



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj:11-07-2-6795-2/11

Datum: 03. 11. 2011 godine

Zapisnik sa 20. sjednice Vijeća za statistiku BiH

Dana 02. 11. 2011. godine u prostorijama Agencije za statistiku Bosne i Hercegovine, održana je 20. sjednica Vijeća za statistiku BiH.

Sastanku su prisustvovali:

gđin. Zdenko Milinović, direktor Agencije za statistiku BiH;
gđin. Fadil Fatić, zamjenik direktora Agencije za statistiku;
gđa. Slavka Popović zamjenica direktora Agencije za statistiku BiH
gđin. Derviš Đurđević, direktor Federalnog zavoda za statistiku;
gđa. Radmila Čičković, direktor Republičkog zavoda za statistiku RS
član Vijeća gđa. Senija Fačić;
član Vijeća gđin. Nedjeljko Veselinović;
član Vijeća gđin. Amir Hadžiomerađić
gđin. Enes Hadžiefendić
gđin. Fuad Bahtanović

Sjednici nisu prisustvovali: gđa. prof. dr. Rabija Somun, predsjedavajući Vijeća za statistiku BiH, član Vijeća gđa. Ljerka Marić i gđin. prof. dr. Mladen Bevanda.

Tačke dnevnog reda:

1. Usvajanje Zapisnika za prethodne 19. sjednice Vijeća za statistiku BiH
2. Nacrt plana rada Agencije za statistiku BiH za 2012. godinu
3. Informacija o Prijedlogu Zakona o izmjenama zakona o statistici Bosne i Hercegovine
4. Prijedlog Odluke o formiranju interresorne radne skupine za izradu Nacrta Zakona o popisu poljoprivrede i ruralnog razvoja u Bosni i Hercegovini
5. Razno

Zamjenik predsjedavajućeg Vijeća za statistiku BiH, gđin. Nedjeljko Veselinović je održao uvodnu riječ i utvrdio postojanje kvoruma.

Dnevni red je jednoglasno usvojen sa napomenom da se prva tačka dnevnog reda ispravi odnosno, preciznije napiše tačan redni broj sjednice, takođe prisutni su se složili da se dnevni red dopuni sa tačkom pet (razno).

Zaključci:

1. Na zapisnik sa predhodne sjednice Vijeća gospođa Radmila Čičković je iznijela je primjedbu da se u dijelu zapisnika, koji se odnosi na treću tačku dnevnog reda, na kraju rečenice :“ Direktor Agencije za statistiku BiH gospodin Zdenko Milinović upoznao je prisutne sa dogovorenim stavovima sa sastanka tri statističke institucije koji je održan u devetom mjesecu u Neumu, gdje je gospođa Radmila Čičković, direktor Republičkog zavoda za statistiku RS tražila da se u članu 2. Zakon o izmjenama Zakon o statistici Bosne i Hercegovine ispred riječi „**administrativnih**“ briše riječ „**svih**“.“, dodaje „**sa nivoa Bosne i Hercegovine**“.

*Uz ove primjedbu prihvaćen je i usvojen zapisnik sa 19. Sjednice Vijeća za statistiku BiH.

2. Direktor Agencije za statistiku BiH gospodin Zdenko Milinović, iznio je kratak osvrt vezano za Plan rada Agencije za statistiku BiH za 2012 godinu. Gosodin Enes Hadžiefendić ukratko je objasnio šta su to prioriteta na koje je potrebno obratiti pažnju u budućnosti, te je naveo sljedeće: Izmjene Zakona o statistici BiH, u dijelovima gdje je to potrebno ili kompletna izrada novog Zakona o statistici BiH; Obratiti pažnju na kvalitet statističkih podataka (implementacija koda prakse statistike Europske unije, praćenje kompletnog statističkog procesa; Odnos prema korisnicima (poboljšati interakciju sa korisnicima); Zaštita i povjerljivost podataka (donijeti set pravila).

Gospođa Radmila Čičković imala je primjedbu gdje je tražila da briše statistička aktivnost **5.03.02.01 Istraživanje o otpadu nastalom u proizvodnim djelatnostima – OTP**, iz razloga što se radi o istraživanju koje se treba provoditi u dvogodišnjoj periodici i to svake neparne godine za prethodnu parnu godinu. Isto istraživanje treba planirati u 2013. godini“.

Gospodin Derviš Đurđević iznio je mišljenje Federalnog zavoda za statistiku o Planu rada Agencije za statistiku BiH za 2012 godinu, po oblastima i to sljedećim redom:

USLUŽNE STATISTIKE

Statističko cestovnog prevoza.

Statističko istraživanje o cestovnom prijevozu robe SA-CES-P- probno.

-Federalni zavod za statistiku ostaje pri svom ranijem stavu da ne prihvata provođenje sedmičnog istraživanja jer nema resursa za provođenje istog.

Statistika prijevoza na unutrašnjim vodenim putevima.

Godišnje istraživanje o prijevozu na unutrašnjim vodenim putevima SAVOD/G.

-Federalni zavod nema komentar.

Statistika sigurnosti saobraćaja

Godišnje istraživanje sigurnosti saobraćaja SA-SIG/G.

-Federalni zavod za statistiku se slaže sa primjedbom upućenom od strane RS-a.

CIJENE

-Vezano za aktivnosti pod 2.06 Federalni zavod za statistiku prihvata odgovore Agencije za statistiku na komentare RS-a.

Komentari (120.121,122i 123)

- *Stav Federalnog zavoda za statistiku je da je Agencija za statistiku nadležna za uspostavljanje i vođenje registara prostornih jedinica za BiH i da isti treba ostati u Planu rada Agencije za 2012.godinu.*

STATISTIKA ENERGETIKE

Istraživanje o nafti i naftnim proizvodima

FZS se slaže sa prijedlogom Agencije za statistiku da se istraživanja o nafti i naftnim proizvodima označe oznakom PROBNO.

Istraživanje o obnovljivim izvorima energije

Prihvata se.

Statistika životne sredine.

Prihvata se komentar RS-a vezano za komentar 112, koji se odnosi na istraživanje o otpadu nastalom u proizvodnim aktivnostima.

STATISTIKA NACIONALNIH RAČUNA

Stav Federalnog zavoda za statistiku je da u tabeli koja se odnosi na međunarodnu saradnju i projekte treba da stoji sljedeće: Prema zahtjevima i potrebama BHAS. FZS i RS.

(dopuna proizilazi zbog formalne prirode, obzirom da je u zaglavlju ove kolone navedeno koje statističke institucije učestvuju u projektu)

Nakon iznesenog mišljenja gospodina Derviša Đurđevića gospodin Zdenko Milinović je objasnio da se radi o Planu rada Agencije za statistiku kao državne institucije i da je to najveći prioritet.Međunarodni monetarni fond planira regionalni projekat sa sjedištem u BiH.Također MMF određuje tko će biti uključen u projekat, a samim tim donose i pravila koja su jasna i od kojih nema odstupanja.

Zaključak po ovoj tački dnevnog reda je da se usvaja Plan rada Agencije za statistiku za 2012. godinu uz prihvaćene prijedloge gospođe Radmile Čičković da se briše statistička aktivnost **5.03.02.01 Istraživanje o otpadu nastalom u proizvodnim djelatnostima – OTP, iz razloga što se radi o istraživanju koje se treba provoditi u dvogodišnjoj periodici i to svake neparne godine za prethodnu parnu godinu. Isto istraživanje treba planirati u 2013. godini“.*

Takođe je prihvaćen je prijedlog članova Vijeća za statistiku da se u Planu rada za 2012. godinu u **Poglavljju II Međunarodna saradnja i međunarodni projekti** - za projekat koji se implementira od strane MMF, u koloni statističke institucije doda tekst „i nadležne domaće institucije“ -tako da će puni tekst glasiti –

„ Prema zahtjevima i potrebama MMF-a, BHAS-a i nadležnih domaćih institucija“.

3.Gospodin Zdenko Milinović informisao je prisutne o Prijedlogu Zakona o izmjenama zakona o statistici BiH, odnosno o proceduri i fazi u kojoj se navedeni prijedlog zakona nalazi.

Gospodin Derviš Đurđević predložio je da se član 8. Zakona koji se odnosi na sastav statističkog vijeća u budućim razmatranjima i procesima donošenja Zakona uzmu u obzir, u smislu da navedeni član bude u skladu sa preporukom Eurostat-a iz finalnog izvještaja AGA BiH.

Gospođa Radmila Čičković navela je da se protivi članu 2. i članu 4. Zakona, te se slaže sa stavom gospodina Derviša Đurđevića vezano za član 8.Zakona.

Gospodin Milinović je rekao da je Zakon već usvojen od strane Vijeća za statistiku BiH i svaka promjena bi značila ponavljanje kompletne procedure.

**Zaključak je da se mišljenja iznesena na današnjoj sjednici Vijeća svakako uzmu u obzir u budućem radu i procesu izrade budućih Zakona.*

4. Gospodin Fuad Bahtanović prisutne je upoznao o važnosti popisa poljoprivrede koji nije proveden više od četrdeset godina, te su podaci kojima raspolažemo neupotrebljivi. Takođe je istakao da je popis jako važan jer ne postoje podaci o strukturnim podacima gazdinstava. Gospodin Derviš Đurđević je imao dva pitanja Zašto se formira interresorna grupa za izradu nacrtu Zakona o popisu poljoprivrede i ruralnog razvoja u Bosni i Hercegovini kada je strani expert dostavio nacrt navedenog Zakona, kao i zbog čega se u radnoj grupi nalazi pet članova Agencije za statistiku?

Te je predložio da ova Odluka bude poroslijedena nadležnim ministarstvima na mišljenje i eventualne primjedbe.

Gospođa Radmila Čičković imala je prijedlog da se u Odluci o formiranju interresorne radne grupe briše Bosna i Hercegovina i u svim ostalim članovima, da se grupa formira na nivo Bosne i Hercegovine, a da njen zadatak bude izrada teksta zakona koji će biti osnova malih dorada (org. nivo) i koji će se usvajati u entitetskim skupštinama.

Dalje, predlaže da se u interresornu grupu uvrste i predstavnici Ministarstva uprave i lokale samouprave RS-a i da se u član 3. Odluke ,na kraju stava 2) i najmanje dva predstavnika iz entitetskih institucija.

Gospodin Fadil Fatić pojasnio je da je formiranje interresorne radne grupe uobičajena pravna procedura i da se ovakva odluka ne dostavlja na mišljenje nadležnim ministarstvima, kako je predlagao gospodin Đurđević. Kao odgovor na pitanja gospodina Đurđevića i prijedlog gospođe Čičković, rekao je sljedeće: Draft nacrtu koji je dostavio expert može poslužiti samo kao inicijalni radni materijal, što se tiče drugog pitanja, a koji ujedno i neki kompromis za dio prijedloga gospođe Čičković, popis poljoprivrede je jako važan državni projekat u kome moraju biti uključeni kako direktor tako i zamjenici direktora krovne institucije za statistiku, a dobro bi bilo da se radna grupa proširi sa dodatnim članovima , odnosno predstavnicima nadležnih entitetskih institucija.

*Zaključak po ovoj tački dnevnog reda je da su članovi Vijeća za statistiku glasali su za dva prijedloga Nacrta Odluke o formiranje interresorne radne skupine za izradu Nacrta Zakona o popisu poljoprivrede i ruralnog razvoja u Bosni i Hercegovini.

-Prvi prijedlog je bio prijedlog da se postojeća Odluka proširi sa dodatnim članovima predstavnicima nadležnih entitetskih institucija, o kome su se članovi izjasnili sa šest glasova za, jedan glas protiv i jedan glas suzdržan.

-Drugi prijedlog je bio prijedlog gospođe Čičković o kome su se članovi izjasnili sa šest glasova protiv, jedan za i jedan suzdržan.

5. Informacije o IPA i drugim projektima

Gospodin Zdenko Milinović izvjestio je prisutne o projektima koji su u toku i koji tek treba da počnu sa realizacijom.

Realizacija projekta IPA 2008 Poslovne statistike, počela je u septembru, inače jako važan projekat za sve statistike. Detaljniji izvještaj biće moguć tek nakon izvjesnog vremena, jer se tek počelo sa realizacijom istog.

Takođe, IPA 2008 pripreme za popis (tehnička pomoć i priprema popisa) treba da počne sljedeće godine.

IPA 2009 tender je u završnoj fazi.

Gospodin Đurđević imao je pitanje vezano za proceduru oko Odluke o formiranju interresorne radne grupe za izradu klasifikacije prostornih jedinica za statistiku Bosne i Hercegovine?

Gospodin Zdenko Milinović obavjestio je prisutne da je 19.01.2011. godine Prijedlog Odluke o formiranju Interresorne radne grupe za izradu Prijedloga klasifikacije prostornih jedinica za statistiku u Bosni i Hercegovini dostavljen na razmatranje i usvajanje Vijeću ministara Bosne i Hercegovine. Odluka se našla na dnevnom redu jedne od sjednica ali je iz nepoznatih razloga skinuta, pored toga poslali smo i dvije urgencije za istu i to: 18.05.2011. godine i 24.10.2011 godine.

Na ovaj zapisnik mogu se dostaviti primjedbe u roku od 5 dana od dana dostavljanja.

Sarajevo, 03. 11. 2011.

Zapisnik sastavila sekretar Vijeća:
Anida Fazlić-Hadžić

Zamjenik predsjedavajućeg
Vijeća za statistiku
Nedeljko Veselinović